



INATSISARTUNI

Partii Inuit
Randi Broberg

UPA 2014/71-1
27.5.2014

PILLUGU: Kalaallit oqaasiisa takornartat oqaasiisut ilinnialernissaannut qanoq iliorluta inersimasunik kajumissuseqalersitsinissarput pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Andreas Uldum, Demokraatit)

Apeqquteqaat aallaavigalugu oqallinnissamik siunnersuutikkut ujartorneqarpoq, inersimasut inuttut oqaaseqannginneranniit inuttut oqaaseqalernissaannut periarfissiinerunissamut, qanoq aqutissiuisoqarsinnaanersoq.

Naalackersuisut akissuteqaataamminni innersuussutigaat pilersaarusiaq 'Paaseqatigiissa'/2014, juni qaammat oqaatsit pillugit isumasioqatigiisitsinissami tunngavittut atorneqassamaartoq.

Apeqquteqaat aallaavigalugu oqallinnissamik siunnersuut pillugu, Partii Inuit oqaaseqarnitsinni makku tikilaarusuppagut:

1)

Isumaqarpugut apeqquteqaat aallaavigalugu oqallinnissamik siunnersuuteqartup iliuserisinnaasatsinni pingaarnerpaaq tikkuussiffigereeraa.

Siunnersuutikkummi atuarneqarsinnaavoq, oqaatsitsinnik atuisinnaannginnermut peqqutaataasooq, tikisitanut saaffiginnikkaangatta uagut oqaatsitsinnik tunulliusivallaartarnerput.

Tamanna isumaqataaffiginerusinnaanngilarput. Tassani Partii Inuit qularutiginngilarput, tikisitat oqaatsitsinnik atuilersinnaasannginnerinut peqqutaarpiartoq, inuttut oqaaseqarnissaq ulluinnarni pisariaqanngimmat, taamalu oqaatsitsinnik ilinniarnissaq tikisitat ilarpassuinut isumaqaraniluunniit.

Allatut oqaatigalugu, uani apeqqummi inuiaqatigiittut sukaterinerput annertuumik pineqarpoq. Marloqiusamillu oqaatsitigut ingerlatserusunnerujussuatta takutippaa;

- danskit oqaasiinut, paasinnittaasaannut ilisimasaannullu silaarutaasarluta ullumikkumut nakkussisugut, taakkulu kisiisa annaffissatut ullumikkut isigigigut,
- uagut inuit immitsinnut iluaqutaasussamik naalackersuinikkut siunnerfilernissamut ersisugut – qallunaaluartutut nalilerneqaqinagatta,



INATSISARTUNI

- danskit soqutigisaat pineqartillugit, aningaasartuutitut matussutissat nassaarinqarsinnaajuaannartut,
- tikisitat atorunnaarnissaat pillugu, naalackersuinikkut suliluunniit siunnerfilersoratalu pilersaaruserata, taamalu suliluunniit piviusumik oqaatsitta atorpeqarnissaannik piunasaqarataluunniit – oqaatsitsinnik atuisinnaangorsaaneq aningaasartuuteqarfigissagipput,
- minnerunngitsumillu naalackersuinikkut akisussaaffimmik tigusinissarput sulii ersigigipput – inuiattut nipangerluta akuunerput ‘akikinnerusutut’ nalilerlutigu.

2)

Partii Inuit isumassaqtinngilarput ilalernartinnagulu, danskit oqaasii naalackersuinikkut pingaarnertut inisseriarlugit, illuatungaani qaavatigut inuttut oqaatsitta atorpeqarnerunissaat siunertaralugu sulii aningaasartuuteqarnissaq.

3)

Partii Inuit uani oqallinnermi erseqqissumik kaammattuutigeqqissavarput, pisortat ingerlatsiviini suniluunniit sumiluunniit, inuttut oqaatsigut atorlugit ingerlatsisoqarnissaata piviusunngortinneqarnissaa.

Tamanna anguneqariarpat, Partii Inuit isummersueqataasinnaangussaagut oqaatsitsinnik atuisinnaangorsaaneq qanoq periuseqarfigineqarsinnaanersoq.

Inatsisartut naalackersuinikkut sumiissusersiorsinnaanginnerattut nalilerparput, oqaatsigut suunnginnerusutut inisseriarlugit, illuatungaani oqaatsitta ilinniartitsissutigineqarnissaannik ujartuineq.

Taama oqaaseqarluta saqqummiussinitsinnut qujalluta.